

李文忠公奏稿

李文忠公奏稿

卷之六十四目錄

海軍要缺揀員補署摺

光緒十五年正月二十一日

多倫木稅請減片

光緒十五年正月二十一日

海防收支清冊摺

光緒十五年正月二十一日

賑撫收支彙報摺

光緒十五年正月二十二日

鴉船回華請獎片

光緒十五年正月二十二日

查明朝鮮妄言摺

光緒十五年二月初八日

李文忠公奏稿卷六十四

全集一之六十四

桐城吳汝綸編錄

海軍要缺揀員補署摺

光緒十五年正月二十一日

奏爲北洋海軍新設副將至守備各要缺照章揀員請補請署繕
列清單恭摺仰祈

聖鑒事竊照北洋海軍新設提督總兵業經臣揀員咨會海軍衙
門具奏奉

旨飭放在案其新設副將至守備各缺應由臣照章揀員請補請
署查奏定海軍新章內開守備缺出在實缺千總候補守備內揀
補都司缺出在實缺守備內揀補游擊缺出在實缺都司內揀補
參將缺出在實缺游擊內揀補副將缺出在實缺參將內揀補又
海軍各缺如一時無合例應補人員准擇其資深勞多者升署仍

扣滿應歷資俸辦事無過再請補授並准職大者借補小缺又海軍學生出身人員已保有文職若不願對品改武如遇補缺需人其材器又適相宜者准其通融借補各等語今北洋海軍規模初創各缺均係新設並無實缺人員可以揀補其候補副將至候補守備五項亦無多員可以按班請補蓋北洋辦理海防十餘年來凡水師員弁僅於出洋接船及援護朝鮮案內酌量附保從未專案保獎是以管駕管輪大二副等官階皆小若必各按本班以副參補副參以游都守補游都守卽無從揀選必致要缺久懸該員等多由水師學堂學生出身雖官階較小而原派管駕管輪大二副各差皆係副參游都守應辦之事今已在水師效力十年內外久歷艱苦實屬資深勞多自應按照奏定新章旣無合例應補人員卽以官小者通融升署俟數年後本軍實缺人員較多並有例

保候補人員遇有缺出再於實缺及候補內按班請補惟此時官
小者升署應以現有官階較員缺小至三級爲斷如參將游擊都
司准升署副將缺游擊都司守備准升署參將缺都司守備千總
准升署游擊缺守備千總把總准升署都司缺千總把總外委准
升署守備缺不准小至四級以示限制此項官階較小各員若十
餘年來例有保獎早經升至應補各班今歷年並無獎案似須就
此拔擢藉作士氣且久已充當管駕管輪大二副各要差其才藝
實堪膺副參游都守實缺毫無冒濫茲督同海軍提督丁汝昌秉
公妥細揀選計新設副將五缺參將四缺游擊九缺都司二十七
缺守備六十缺內除參將一缺游擊二缺都司二缺守備十四缺
俟遴得妥員另請補署又守口礮船管帶都司四缺現因礮船收
入船塢暫行懸缺外尙有副將五缺參將三缺游擊七缺都司二

十一缺守備四十六缺均已揀定分別請補請署該員等皆曾赴英德各國及日本朝鮮洋面游歷操巡能任艱險深悉機宜堪以勝任閒有官階較大借補小缺者兩員又文職借補者一員亦係學生出身資深勞多材器相宜謹開具清單恭呈

御覽海軍與尋常水陸營伍不同人材實爲難得現甫新設各缺一時實無合例應補人員不得不通融補署俾專責成要皆人缺相宜並與奏定新章符合仰懇

天恩俯准照辦以實軍伍該員等現均帶船出洋操巡不可一日曠誤並請照新章由兵部先給劄付隨後察酌情形陸續給咨赴海軍衙門轉送兵部帶領引

見其升署各員仍扣滿應歷資俸辦事無過再請補授其有定章以前歷過者查明併計至海軍俸餉等項前奏自本年正月初一

日照新章辦理係統指收支海軍經費而言惟副將以下各員現甫奏請補署未便自正月初一日卽支俸銀應請均俟奉

俞旨之日照新章起支官俸船俸其未奉

旨以前及尙未補缺各員弁仍照原有差事薪費核給俾清界限凡在本年核給者並歸海軍經費造報合併聲明除飭取各員履歷分送海軍衙門兵部並將千總以下各弁另行咨請補署暨鈔錄摺單分咨外理合恭摺具陳伏乞

皇太后

皇上聖鑒訓示施行謹

奏

謹將北洋海軍新設副將至守備各要缺照章揀員請補請
署開單恭呈

御覽

副將五缺

中軍中營副將請以花翎提督銜記名總兵鄧世昌借補委帶致

遠快船

中軍左營副將請以花翎副將銜補用參將方伯謙升署委帶濟

遠快船

中軍右營副將請以花翎副將銜補用參將葉祖珪升署委帶靖

遠快船

左翼左營副將請以花翎補用游擊林永升升署委帶經遠快船

右翼左營副將請以花翎補用游擊邱寶仁升署委帶來遠快船

參將四缺除提標管輪參將一缺俟遴員另請補署外

提標中軍參將兼理糧餉事宜請以花翎四品銜山東候補知府嚴道洪借補

左翼右營參將請以花翎補用都司黃建勳升署委帶超勇快船右翼右營參將請以藍翎補用守備林履中升署委帶揚威快船游擊九缺除提標游擊充稽查軍械事務一缺督運中營游擊委帶利運運船一缺俟遴員另請補署外

左翼中營游擊充鎮遠船副管駕事請以花翎補用守備楊用霖升署

左翼中營游擊充鎮遠船總管輪事請以花翎補用游擊陸麟清補授

右翼中營游擊充定遠船副管駕事請以五品軍功補用千總李

鼎新升署

右翼中營游擊充定遠船總管輪事請以花翎補用都司余貞順升署

精練前營游擊請以花翎補用游擊林穎啟補授委帶威遠練船精練左營游擊請以參將銜補用都司陸鎮冰升署委帶康濟練船

精練右營游擊請以藍翎都司銜補用守備戴伯康升署委帶敏捷練船

都司二十七缺除左翼中營都司充鎮遠船大管輪一缺右翼中營都司充定遠船大管輪一缺另行請補又後軍中營都司委帶鎮中礮船一缺後軍副中營都司委帶鎮邊礮船一缺後軍左營都司委帶鎮東礮船一缺後軍後營都司委帶鎮北礮船一缺現

在礮船收陽暫行懸缺外

提標都司充督隊船大副事請以五品軍功拔補把總吳應科升

署

中軍中營都司充致遠船幫帶大副事請以五品軍功拔補千總

陳金揆升署

中軍中營都司充致遠船總管輪事請以五品軍功補用把總劉

應霖升署

中軍左營都司充濟遠船幫帶大副事請以五品軍功拔補把總

沈壽昌升署

中軍左營都司充濟遠船總管輪事請以五品軍功補用千總梁

祖全升署

中軍右營都司充靖遠船幫帶大副事請以五品軍功補用

千總劉冠雄升署

中軍右營都司充靖遠船總管輪事請以五品軍功拔補把總林

登亮升署

左翼中營都司充鎮遠船幫帶大副事請以五品軍功拔補把總

何品璋升署

左翼中營都司充鎮遠船大管輪事請以六品軍功補用千總王

齊辰升署

左翼左營都司充經遠船幫帶大副事請以花翎補用都司陳策

補授

左翼左營都司充經遠船總管輪事請以五品軍功拔補千總孫

姜升署

左翼右營都司充超勇船總管輪事請以五品軍功拔補千總黎

星橋升署

右翼中營都司充定遠船幫帶大副事請以五品軍功補用千總

江仁輝升署

右翼中營都司充定遠船大管輪事請以六品軍功補用把總陳

楠升署

右翼左營都司充來遠船幫帶大副事請以五品軍功補用千總

林文彬升署

右翼左營都司充來遠船總管輪事請以六品軍功補用千總任

廷山升署

右翼右營都司充揚威船總管輪事請以藍翎補用守備陳學書

升署

後軍右營都司請以藍翎五品頂戴補用千總藍建樞升署委帶

鎮西礮船

後軍前營都司請以藍翎都司銜補用守備李和升署委帶鎮南礮船

魚雷左一營都司委帶左隊一號魚雷艇請以都司銜補用守備蔡廷幹升署

精練後營都司請以花翎副將銜補用游擊劉學禮借補委充練勇學堂督操官

守備六十缺除提標守備充幫查軍械事務一缺中軍中營守備

充致遠船魚雷大副一缺左翼中營守備充鎮遠船駕駛大副一

缺左翼中營守備充鎮遠船二營輪一缺右翼中營守備充定遠

船礮務二副一缺右翼左營守備充來遠船大管輪一缺右翼右

營守備充揚威船大管輪一缺魚雷左三營守備一缺魚雷右三

營守備一缺精練左營守備充康濟船操練大副一缺精練左營
守備充康濟船大管輪一缺精練右營守備充敏捷船操練大副
一缺督運中營守備充利運船幫帶大副一缺督運中營守備充
利運船大管輪一缺均俟遴員另請補署外

提標守備充督隊船二副事請以六品軍功拔補把總馮榮學升
署

中軍中營守備充致遠船駕駛二副事請以五品軍功補用千總
薛振聲升署

中軍中營守備充致遠船鎗礮二副事請以六品軍功拔補把總
周展增升署

中軍中營守備充致遠船大管輪事請以六品軍功補用千總鄭
文恆升署

中軍中營守備充致遠船大管輪事請以拔補把總曾洪基升署
中軍左營守備充濟遠船魚雷大副事請以五品軍功拔補把總
鄭炳光升署

中軍左營守備充濟遠船駕駛二副事請以五品軍功拔補把總
黃祖蓮升署

中軍左營守備充濟遠船鎗礮二副事請以五品軍功拔補千總
柯建章升署

中軍左營守備充濟遠船大管輪事請以五品軍功補用千總黃
勝升署

中軍左營守備充濟遠船大管輪事請以五品軍功拔補把總鄭
朝宗升署

中軍右營守備充靖遠船魚雷大副事請以五品軍功拔補把總

陳成金升署

中軍右營守備充靖遠船駕駛二副事請以補用千總祁鳳儀升

署

中軍右營守備充靖遠船鎗礮二副事請以補用千總洪桐書升

署

中軍右營守備充靖遠船大管輪事請以藍翎五品軍功補用千

總張玉明升署

中軍右營守備充靖遠船大管輪事請以拔補把總任正申升署

左翼中營守備充鎮遠船魚雷大副事請以五品軍功補用千總

湯金城升署

左翼中營守備充鎮遠船鎗礮大副事請以五品軍功拔補把總

曹嘉祥升署

左翼中營守備充鎮遠船礮務二副事請以五品軍功拔補把總
陳成捷升署

左翼中營守備充鎮遠船礮務二副事請以五品軍功拔補把總
沈叔齡升署

左翼中營守備充鎮遠船二管輪事請以五品軍功拔補把總劉
冠南升署

左翼左營守備充經遠船魚雷大副事請以六品軍功拔補把總
李聯芬升署

左翼左營守備充經遠船駕駛二副事請以藍翎五品軍功補用
千總韓錦升署

左翼左營守備充經遠船鎗礮二副事請以六品軍功補用千總
陳京瑩升署

左翼左營守備充經遠船大管輪事請以六品軍功拔補把總陳
申熾升署

左翼左營守備充經遠船大管輪事請以補用千總盧文金升署
左翼右營守備充超勇船幫帶大副事請以五品軍功拔補把總
翁守瑜升署

左翼右營守備充超勇船大管輪事請以五品頂戴拔補把總邱
慶鴻升署

右翼中營守備充定遠船幫駛大副事請以五品軍功拔補千總
鄭國光升署

右翼中營守備充定遠船魚雷大副事請以六品軍功拔補把總
徐振鵬升署

右翼中營守備充定遠船鎗礮大副事請以六品軍功拔補把總

宋文翹升署

右翼中營守備充定遠船礮務二副事請以六品軍功拔補把總

陳鎮培升署

右翼中營守備充定遠船二管輪事請以五品軍功拔補把總陳

兆鏘升署

右翼中營守備充定遠船二管輪事請以拔補把總林敬先升署

右翼左營守備充來遠船魚雷大副事請以五品軍功拔補把總

張哲濬升署

右翼左營守備充來遠船駕駛二副事請以五品軍功補用千總

謝葆璋升署

右翼左營守備充來遠船鎗礮二副事請以五品頂戴拔補把總

唐春桂升署

右翼左營守備充來遠船大管輪事請以六品軍功拔補把總許德和升署

右翼右營守備充揚威船幫帶大副事請以六品軍功拔補把總鄭文超升署

魚雷左二營守備委帶左隊二號魚雷艇請以五品頂戴儘先補用外委李士元升署

魚雷右一營守備委帶右隊一號魚雷艇請以五品頂戴儘先補用千總徐永泰升署

魚雷右二營守備委帶右隊二號魚雷艇請以五品藍翎儘先補用千總劉芳圃升署

精練前營守備充威遠船幫帶大副事請以六品軍功拔補把總周安升署

精練前營守備充威遠船操練大副事請以五品軍功補川千總
陳兆藝升署

精練前營守備充威遠船大管輪事請以都司銜補用守備黃應
元補授

精練左營守備充康濟船幫帶大副事請以五品軍功拔補把總
翁祖年升署

精練右營守備充敏捷船幫帶大副事請以藍翎五品軍功補用
千總吳敬榮升署

多倫木稅請減片

光緒十五年正月二十一日

再前因多倫廳久無木產稅不能徵請蠲除虛額核實辦理一案經工部議覆自光緒十一年起將該廳每年應交水木稅銀六千七百餘兩暫停一半其餘一半銀三千三百五十餘兩責令認真整頓徵收按年解交當經轉飭遵照疊據前署該廳同知張保泰現任同知陳金式以循名必須責實山不產木稅從何徵稅既無徵憑何整頓現按一半責令解交爲數甚鉅力實難以賠補稟請奏咨寬免正在核辦聞又准工部嚴催解交並將該廳議處復據陳金式將自光緒十一年起任內應賠一半稅銀遵照內務府認工奏案按交一免三章程辦理張保泰業經病故任內應賠一半稅銀亦據其家屬按交一免三章程辦理而工部仍令解交一半不准認工惟查該廳木稅始自康熙四十年其時克什克騰旗山

場木植繁盛商販眾多稅收暢旺迨閱百數十年木植砍伐殆盡
商販裹足道光二十四年僅徵木木稅銀八十一兩零旱木稅銀
二兩零至咸豐初年遂無木植稅亦無可徵收是以歷任同知均
未請領商填號簿經工部核准免領有案況此項紅黃松木向由
灤潮等河運赴津通現在津通民間購用南省之木並無多倫運
出之木人所共知臣於各屬經收稅款向不准飾詞虧短即使偶
有短徵仍須令其徵補此則無木無稅與偶然短徵情形迥不相
同疊經委員嚴查並據藩司口北道覆查實非捏飾不得不蠲除
虛額核實辦理誠以地方官必使其無意外之累方可盡心民事
若責令永遠空賠巨款自好者皆視為畏途不肖者將多方苛擾
殊於吏治有礙今廳員將工部每年責賠一半稅銀勉赴內務府
認工遵照交一免三章程辦理計自光緒十一年至今數已不少

全係自行賠出尙屬急公較之密雲縣木稅儘徵儘解辦法賠數
實多並非取巧亦無流弊仰懇

天恩俯准照辦其自光緒十五年起此項責賠一半水木稅銀三
千三百五十餘兩應令該廳按每千兩賠交實銀二百五十兩共
合實銀八百三十餘兩仍符交一免三之數卽逕解工部無庸再
赴內務府認工俾歸簡捷另有戶部每年旱木稅原額銀五百七
十餘兩亦係毫無徵收並應一律辦理庶應員賠累較輕可期盡
心民事此外有稅可收偶然短徵者皆不得援以爲例理合附片
具陳伏乞

聖鑒訓示謹

奏

海防收支清冊摺

光緒十五年正月二十一日

奏爲北洋海防經費光緒十一十二兩年收支各款分造戶兵工

三部清冊並開清單報銷仰祈

聖鑒事竊北洋海防川款前經總理各國事務衙門會同戶部奏
明由督辦大臣咨報總理衙門戶部查核嗣於光緒九年八月部
議應三部分銷業經循照辦理已造報至九十兩年止所有十一
十二兩年收支各款應卽接續造報飭據海防支應局司道詳稱
前已將新支用款照章造冊繕單奏咨立案聲明舊有支款無庸
再行立案今計十一十二兩年舊管項下截存銀九十二萬八千
七百二十七兩零新收各省關解到釐稅銀一百二十六萬九千
三百七十七兩零直隸海防捐輸銀一百四十九萬四千七百七
十六兩零准軍餉內協撥造子薪糧添購機器價銀二萬九千七

百二十八兩零電報信資銀九千六百十二兩零扣收湘平平餘
銀二萬八千一百五十兩零各處解還墊款軍火價值並練餉生
息等銀三萬四百九十八兩零共新收銀二百八十六萬二千一
百四十三兩零連舊管合銀三百七十九萬八百七十一兩零除
雇募德國兵官緝辦新費銀十一萬六千四百四十八兩零業
經專案造報准銷又換設天津至北塘電桿加設天津至奉省電
綫接設煙臺至威海電綫經費銀二萬八千兩亦經咨部應歸設
綫案內彙冊造報又旅順口創建大石船塢經費先由北洋防費
內勻撥銀七萬八千八十兩應歸船塢案內彙收造報其登除銀
二十二萬二千五百二十八兩零實計收用銀三百五十六萬八
千三百四十二兩零開除項下歸戶部核銷銀五十八萬六千六
百十三兩零兵部核銷銀八十萬七千八百八十兩零工部核銷

銀一百五十五萬三千二百五十三兩零統計兩年共銷銀二百九十四萬七千七百四十六兩零其餘銀六十二萬五百九十六兩零已接支十三年以後用項無存循案造具三部分銷細冊收支四柱總冊開具款目清單詳請奏咨核銷前來臣查北洋海防經費原定歲撥各省關稅釐銀二百萬兩嗣因釐金解數短絀經臣奏明改按八成減解連關稅併計歲可得銀一百五十萬兩本係萬不可少之數乃報解仍屬寥寥十一年僅收銀七十三萬餘兩十二年僅收銀五十三萬餘兩皆不及額撥之半且此兩年中始則法岬未弭欽奉

諭旨嚴備戰守需費正繁旋值創設海軍欽奉

懿旨逐漸擴充歷久不懈凡防務之不容緩者不得不次第籌辦經臣奏准部議將直隸海防捐輸銀兩撥歸北洋收用藉資周轉

此外又由淮軍餉內協撥造子薪糧添購機器假又飭電報官局招徠商報收取信資又扣收員弁人等薪費平餘多方羅掘竭力綢繆始免貽誤至海防係參用西法一切支款並無例案可循亦非他項軍需可比業於立案文冊內將應辦各項實在情形詳敘並聲明十二年分添購礮位等件均在未奉部章之先定議等因然每購一物製一器用一人臣必再三審察可省則省其價值等項尤必諮訪比核務求撙節員弁薪糧則視差事之繁簡爲等差不使濫支糜費茲查造十一十二兩年各款仍係實用實銷並無絲毫浮冒除各冊分送三部外理合恭摺具陳並開簡明清單恭

呈

御覽伏乞

皇太后

皇上聖鑒謹
奏

謹將北洋海防經費自光緒十一年正月起到十二年十二月底止收支款目繕列清單恭呈

御覽

舊管項下

一光緒十年年底截存銀九十二萬八千七百二十七兩六錢二分二釐五忽二微

新收項下

光緒十一年分

一收江西省釐金銀四萬兩

一收江蘇省釐金銀四萬五千兩

一收浙江省釐金銀三萬兩

一收江海關洋稅局稅銀二十四萬一千九百五十兩零

一收浙海關洋稅局稅銀十二萬八千七百十七兩零

一收山海關洋稅局稅銀四萬三千六百八十四兩零

一收閩海關洋稅局稅銀十萬三千四百六十八兩零

一收粵海關洋稅局稅銀十萬兩

一收直隸海防捐輸撥歸北洋防費第一次至第十三次共銀一

百十二萬八千一百九十九兩零

一收淮軍報銷局撥銷行營製造局添購機器價並造子匠工及

幫辦人等薪糧銀一萬八千六百九十二兩零

一收蘇典呈繳領存練餉成本光緒八年十月起至九年九月底

止一年總錢合銀三千六百二十五兩零

一收河南省解還毅軍領用鉛丸價銀四百六十一兩零

一收由部領回扣存吉林軍火價內應還購辦鉛丸價銀六百五

十六兩零

一收東河解還購辦洋鎗佩帶及鉛丸等項價銀一百四十一兩零

一收山東解還墊發鎮中鎮邊兩蚊礮船光緒十年經費銀二萬四千二百三兩零

光緒十二年分

一收湖北省釐金銀五萬兩

一收江海關洋稅局稅銀三十萬八千二百七十一兩零

一收浙海關洋稅局稅銀十二萬八千六百三十四兩零

一收山海關洋稅局稅銀四萬九千六百五十兩零

一收直隸海防捐輸撥歸北洋防費第十四五兩次共銀三十六

萬六千五百七十七兩零

一收淮軍報銷局撥銷行營製造局造子匠工及幫辦人等薪糧銀一萬一千三十六兩零

一收河南省解還穀軍領用鉛丸價銀二百三十六兩零

一收由部領回扣存吉林軍火價內應還購辦鉛丸價銀六百五十六兩零

一收甘軍解還鉛丸價銀五百十八兩零

一收海防經費項下自光緒十一年六月起至十二年十二月底止改按湘平核發各款扣回平餘銀二萬八千一百五十兩零

一收電報官局呈繳光緒十一十二兩年商報信資銀九千六百十二兩零

以上新收共銀二百八十六萬二千一百四十三兩零

管收二項共銀三百七十九萬八百七十一兩零內除雇募

德國兵官並繙譯等薪俸飯食房費馬乾川資等銀十一萬六千四百四十八兩零業經專案造報奉部准銷又撥發電報官局換設天津至北塘電桿及由天津至奉省加綫並由煙臺至威海接設電綫等項經費銀二萬八千兩又撥發旅順陽工經費銀七萬八千八十兩片行專案造銷照數登除外計實收銀三百五十六萬八千三百四十二兩零

開除薪糧及雜支項下

一直隸提督李長樂小隊員弁薪糧銀一萬五千六百三十八兩零

一北洋水師統領提督丁汝昌其支薪夫公費銀一萬一千八百兩隨帶文武員弁司事繙譯兵夫薪糧公費銀六千八百六十九兩零

一 大沽口水雷營官兵勇書識伙夫機匠薪糧柴草公費銀三萬一千七百四十六兩零

一 大沽口水雷學堂改派繙譯並添派值雷學生薪膳飯食銀五百十八兩零

一 大沽口水雷營廣艇二號共支油修公費銀三百八十九兩零

一 北塘水雷營官兵勇書識薪糧柴草公費銀一萬七千二十

一 兩零

一 山海關水雷營官兵勇書識薪糧柴草公費銀一萬四千七百二十七兩零

一 旅順口水雷營官兵勇書識薪糧柴草公費飯膳加餉銀一萬九千三兩零

一 旅順口魚雷營官兵丁學生工匠薪糧公費銀二萬三千五

百十五兩零

一旅順口魚雷廠委員匠工學徒薪工銀二萬三千六百三十八兩零

一旅順口魚雷局委員司事書識弁勇薪糧銀五千七百二十兩零

一旅順工程局員弁司事兵勇書識壩埽長夫及旅順營務處親兵薪糧公費銀二萬七千五百二十六兩零

一調津操練山東登榮水師艇船九號官弁津貼薪糧公費銀五千九百十八兩零

一辦理水師學堂練船事宜道員吳仲翔薪夫銀一千二百七十四兩道員呂耀斗薪夫銀一千五百三十四兩

一水師學堂經費銀四萬九千七百九十一兩零

武備學堂經費銀四萬九千七百五十一兩零

一大沽口水師船塢經費銀十萬三千三十一兩零

一電報總分各局並報房棧房經費銀三萬五千五百八十四兩

零

一天津行營製造局造子廠司事匠工薪工銀二萬七十八兩零

一大沽口礮船公所司事夫役薪工公費銀七百十七兩零

一旅順口煤廠司事夫役薪工公費銀七百十七兩零

一威海衛煤廠司事夫役薪工公費銀七百十七兩零

一旅順口水師子彈火藥兩庫司事夫役薪工公費銀一千七百

十八兩零

一劉公島水師機器廠司事匠工藝徒薪工銀八千五百四十三

兩零

一旅順口陸軍軍械庫官弁庫夫薪糧公費銀三千三百三十七兩零

一旅順口水陸軍械局委員司事薪工公費銀一千六百四兩零

一旅順口經理電燈匠役辛工銀一千二十七兩零

一隨辦海防前山東布政使李元華薪水公費銀九百七十九兩零

一水師營務處道員羅豐祿薪夫公費銀三千五百四十兩法文繙譯中書羅臻祿薪水銀二千三百五十九兩零文案知縣呂增祥薪水銀九百四十三兩零舉人鄭孝胥薪水銀六百七十三兩零繪圖學生陳興邦甘聯浩薪水銀七百八兩

一行營製造局道員高驂麟薪水公費銀一千四百九十三兩零
知府柯欣榮薪水銀一百九十七兩零

一洋鎗隊教習楊榮泰薪水銀一百八十八兩零查連標薪費銀

一千一百七十九兩零

一北洋大臣衙門電報學生柳漢秋津貼銀一百八十八兩零

一水師公所公費銀二千三百五十九兩零

一洋務隨員鹽大使馬復賁薪水銀一百十八兩

一派赴魚雷營副將謝樸鎮薪水銀一百五十六兩零

一正定練軍繙譯火器堂薪水銀八百二十三兩零

一北洋大臣衙門海軍房書吏津貼薪飯油燭紙張銀五百五十

兩零

一出洋學習修製魚雷工匠龐玉順等在德國房膳用費及回津

川資銀四千三百五十七兩零

一出使德國隨員同知楊兆鋆回德川資銀六百五十五兩

一候選中書羅錄派赴澎湖與法商會商事件川資公費銀二百十四兩零

一解還船政墊給委員陳文祺學生李壽萱周銘西等由閩調津川費銀一百九十兩零又調募三艦需用大二三副管輪人等並前調繪圖學生由閩來津川費銀一千一百七十四兩零

一天津水路各營洋城總教習洋員畢格理薪水銀二千三百四十兩

一大沽口水雷營教習洋員滿栗士薪水房租及回國川資等銀三千三百九兩零

一委辦旅順口礮臺工程洋員漢納根薪水馬乾及辦公川資銀九千九百七十七兩

一天津練軍營教習洋員瑞乃爾薪水繙譯公費銀六千四百五

十兩

一旅順口魚雷營督操教習洋員密勒克薪水藥費銀二千九百

七十五兩

一操礮教習洋員額德茂薪水川資銀四千四十三兩零

一水師學堂正副管輪教習洋員霍克爾希耳順薪水銀一萬二千兩馬駛副教習洋員麥賴斯薪水津貼及安家行裝路費等銀一千七百二十八兩

一幫辦旅順口工程洋員普威薪休安家路費等銀七千二百兩

一魚雷總教習洋員福來舍由德至津川資銀四百七十八兩零

一水師操礮教習洋員雷登等由英至津路費船價銀二千九百

二十九兩零

一練船駕駛教習洋員倪耳森由英至津安家川資銀六百十兩

一旅順口工程局派管濬澳潮標洋員舒爾次薪水銀一千九百七十九兩零管理船澳機器事宜洋員士本格薪水川資銀二千七百兩

一導海挖泥機器輪船教習洋員丁治格溫氏而脫川資犒賞等銀八百五十兩

一三艦教習洋員密拉等三十員回國川資銀九千四百七十五兩

一水師練船正教習洋員鮑察由英來津川資銀三百七十六兩

一水師總查洋員琅威理由英來津川資銀三百三十三兩零

一水師鎗礮副教習洋員立克路司管輪教習洋員盧察審川資

銀九十兩

一燈

旨賞給辦理遷移蘇池口教堂教士樊國樑英人敦約翰銀四千兩

一英人敦約翰前赴外洋辦理蘇池口遷移教堂事件應需川資及因公用款共先支銀三千四百三十八兩零

一新城葛沽營拉礮車馬十四匹馬乾銀七百八兩

一部撥歸還定購德國毛瑟鎗價不敷銀二千九十四兩零

以上各款應歸戶部核銷

開除養船及運保費項下

一鎮北礮船薪糧公費藥資銀二萬三千二百八十兩零

一鎮南礮船薪糧公費藥資銀二萬二千八百五十六兩

一鎮東礮船薪糧公費藥資銀二萬三千二百八十兩零

一鎮西礮船薪糧公費藥資銀二萬二千八百五十六兩

一鎮中蚊礮船薪糧公費藥資銀二萬二千六百三十三兩零

一鎮邊蚊礮船薪糧公費藥資銀二萬二千二百二十兩零

一超勇快船薪糧公費藥資銀六萬六千九百九十九兩零

一揚威快船薪糧公費藥資銀六萬三千四百五十九兩零

一威遠練船薪糧公費銀四萬五千四百五十二兩零

一康濟練船薪糧公費藥資銀四萬八千九百九十二兩零

一水師各船鎗礮正副教習薪水銀六百六十八兩零

一威遠練船學生等薪工銀八千九百十兩零

一水師添練頭二三等水手四百三十名口糧銀三萬一千二百

八十三兩零

一水師屯船薪糧公費藥資銀六千五百二十四兩零

一水師督船大二副正副管旗人等薪糧銀二千九百七十三兩

一管駕超勇快船副將林泰曾兼辦水師操練營務處公費銀九

百三十四兩零

一水師試用候差學生薪水銀九千四百十八兩零

一水師官醫曹茂祥等薪工銀一千八百二十九兩

一水師軍樂樂童口糧雜費銀三千八百五十六兩零

一海鏡輪船薪糧公費銀二萬二千五十四兩零

一利運輪船薪糧公費銀八千九百七兩零

一左隊一號大魚雷艇薪糧銀一萬一千五百八十七兩零

一左隊二號大魚雷艇薪糧銀一萬一千五百八十七兩零

一右隊一號大魚雷艇薪糧銀一萬一千五百八十七兩零

一右隊二號大魚雷艇薪糧銀六千七百七十五兩零

一右隊三號大魚雷艇薪糧銀六千七百七十五兩零

石隊二三號中魚雷艇薪糧銀三千九百十九兩零

守雷小輪船薪糧銀四千九百三十二兩零

下雷小輪船薪糧銀四千九百三十二兩零

巡雷淺水小輪船口糧銀九百七兩零

桿雷小輪艇薪糧公費銀二千二十九兩零

飛霆小輪船薪糧銀五千二百十五兩零

快馬小輪船薪糧銀九千十五兩零

操江輪船公費銀一千三百四十五兩零

利順小輪船薪糧銀六千四百十六兩零

遇順輪船薪糧銀一千七百六十八兩零

導海機器輪船薪工公費銀二萬五千四十二兩零

導海接泥船八號辛工銀一萬三千八百十五兩零

一挖海機器船辛工銀一千一百四十三兩零

一定遠鎮遠濟遠三艦光緒十一年冬季三箇月薪糧公費銀四萬四千二百三十五兩零

一調閩廠千總陸麟清來津差遣薪水銀四百七十二兩零

一千總陸麟清赴滬閩香港一帶選募三艦需用管輪管油汽銅

鐵匠鍋鑪匠人等水腳棧租薪糧等項銀一千五百二十四兩零

一水師副統領提督銜洋員琅威理薪俸銀八千一百四兩零雇

用繙譯文案洋員夏禮士薪水銀五百八兩零

一定遠鎮遠濟遠三艦雇川管駕管輪等教習洋員四十三員薪

飯銀六萬九千二百二十七兩

一濟遠鐵艦添募三管輪洋員盧察審薪水銀九百十五兩零

一水師練船正教習洋員鮑察薪水銀三千四百三十二兩零

一水師鎗礮副教習洋員立克路司薪水銀八百九十五兩零

一練船駕駛教習洋員倪耳森薪水銀二百五十四兩零

一練船幫教習洋員馬吉芬薪水銀三千一百二十九兩零

一水師操礮教習洋員雷登等薪水銀七百九十三兩零

一魚雷總教習洋員福來舍薪水銀四千六百十六兩零

一帆纜教習洋員嘉格蒙薪水銀四千四百二十四兩零

一管理挖海機器船洋員勒威薪水銀二千三百兩

一水師各船及水雷營華洋員弁醫士司事水手雷兵人等卹賞

銀一千三十兩

一軍械所起卸裝運礮位軍火器械車船夫力銀二千三十七兩

等

一購克鹿卜七生脫半過山礮並塞門德士戎支驗運保險等費

銀一千六百四十六兩零

一由山海關駁運赴援朝鮮臺灣弁勇軍械等項用銀二百四十兩零

一上海招商局選募三艦需用管輪管油汽升火人等由滬至津輪船水腳銀一千七兩零

一武備學堂學生赴山海關學習測量輪船水腳銀六百四兩

一招商局輪船由天津赴澎湖裝送官弁勇夫至廈門交卸水腳銀一千二百三十兩

一招商局輪船派赴朝鮮裝送慶軍等營官弁勇夫至旅順口水腳銀一萬八百十五兩零

一續購燐銅魚雷運腳保險等費銀七百三十兩零

一購力拂廠管爐汽機及造礮子各機器驗運保險等費銀三千

二百九十五兩零

一購阿摩士莊廠礮彈信子銅引等件運腳保險等費銀三百八十七兩零又水師備用單管哈乞開司礮並子彈等項驗運保險等費銀二千九百八十六兩零

一水師及旅順魚雷營購買德國刷次考甫廠拆雷定雷各項器具驗運保險等費銀五百六十九兩零

一水師學堂教習洋員經購管輪學生練習手藝機器全副並配用各項器具運腳保險等費銀六百四十二兩零

一總稅務司赫德經購超揚兩快船添配阿摩士莊廠加重鐵錨並備用零件運腳保險等費銀二百五十八兩零

一新載生洋行經購旅順水雷營需用直斜測鏡等件運腳保險等費銀七十八兩零

一水師總教習洋員葛雷森代購水師應用海道圖等件水腳銀

二十六兩零

一上海地亞士洋行轉運德國購存鐵件化學器具等物送至天

津水腳銀一千五十一兩零

一軍械所雇用英國帶水駁船裝運礮械等件水腳銀一百四十

三兩零

一招商局輪船承裝魚雷鎗礮子彈等件由旅順口運至天津水
腳銀一千九十五兩零又承裝洋鎗子彈水雷鐵座等件由天津
運赴山海關水腳銀九百三兩零又承裝棉藥等件由天津運至
旅順口水腳銀五百三十七兩零又承裝礮位水雷等物由天津
運赴旅順口並由旅順口承裝礮彈等物運至天津水腳銀四百
八十二兩零又承裝洋鎗水雷鎗子鐵器等件由滬運津水腳銀

五百四十三兩零又承裝礮位等件由津旅等處運至山海關水
腳銀一千四百五十五兩零又承裝黎意兵鎗鎗子並隨鎗零件
由滬運津水腳銀二百九十六兩零又承裝兵鎗鎗子由滬運津
水腳銀一千六百五十四兩零又承裝礮彈卑門丁油等件由天
津運赴旅順口水腳銀一百六十五兩零又承裝礮位鐵架千斤
柱等物由滬運津水腳銀一千二百二十五兩零又承裝八箇生
的密達後膛鋼礮並車架器具彈零件由滬運津水腳保險等
費銀一千七百六十六兩零又承裝十五生脫十二生脫礮位並
礮架千斤柱礮彈等項由滬運至旅順水腳銀二千九百四十五
兩零又承裝二十四生脫後膛大礮並鐵件架具礮彈等項由滬
運至旅順口水腳銀二千九百九十一兩零又承裝礮位礮彈等
項由滬運津水腳銀一千一百二十三兩零又承裝車油螺絲床

鐵路鐵器等項由上海煙臺天津等處運赴旅順口水腳銀一千一百四十四兩零又承裝八生脫車礮並隨礮車架等項由滬運津水腳保險等費銀一千二百八十三兩零又承裝電燈塞門德土等件由天津運赴山海關水腳銀二百兩零

一招商局輪船由天津駛赴香港承裝礮位礮架魚雷艇鰐備件等項運至天津旅順等處水腳銀三千七百七十二兩零

一天津旅順仁川等處卸運水師雷營及挖海工程需用煤噸駁駁等力銀一千四百六十兩零

一旅順軍械庫起卸裝運礮位軍火器械車船夫力銀五百十四兩零

一地亞士洋行經手運存香港礮位礮架魚雷艇鰐備件等項起卸駁運棧租各費銀一千五百七十兩零

一招商局輪船調津聽候醇親王巡閱海口差用薪費銀九千四百八十兩

一截留招商局輪船差遣朝鮮等處用費銀二千九百八十兩零

一總稅務司赫德經購北洋水師需用操習水衣等件運腳保險等費銀二百六十二兩零

一水師學堂購辦各學生需用儀器書籍畫具圖紙等項運腳保險等費銀二百十四兩零

一招商局輪船拖帶旅順口導海挖泥船回大沽船塢修理拖費銀三百四十兩

一利運輪船由旅順裝送護軍營弁勇赴仁川津貼往返飯食銀一百二十兩

一大沽船塢十一十二兩年分撥發水師輪船煤噸駁費庫平銀

五千五百四十一兩零

以上各款應歸兵部核銷

開除采買及修製項下

一購泰來洋行克鹿卜九箇生的密達後膛陸路鋼礮二十二尊連礮架子藥車子彈找價銀一萬七千八百八十六兩零

一續購燐銅魚雷二十尾找價銀二萬一千九百七十三兩零

一購新載生洋行電綫十七英里並號令鐘等件找價銀一萬三千五百四十一兩零又購二十四生脫三十五口徑及二十五口徑十五生脫三十五口徑及二十五口徑後膛大礮十六尊並子彈拉火找價銀十五萬九百八十三兩零又購克鹿卜二十四生脫三十口徑後膛鋼礮二尊並礮架子斤柱開花彈拉火找價銀四萬一千一百三十二兩零又購克鹿卜七生脫半陸路後膛鋼

礮四十八尊連車架藥彈箱車子彈拉火又哈乞開司後膛六響
步兵鎗五千桿連佩帶鎗子找價銀十四萬七千四十七兩零
一購力拂廠管爐器機及造礮子各機器找價銀七千五百九十
三兩零

一購斯美德洋行雙眼瞭遠鏡畫圖器具水平儀找價銀七百四
十五兩零

一購招商局利運輸船改爲北洋水師運船價銀八萬七千四百
三十一兩零

一購英商夾板船改作北洋水師敏捷練船價銀一萬四千五百
兩

一購阿摩士莊廠礮彈等件價銀二千九百五十七兩零又購水
師備用單管哈乞開司礮四尊並礮架子彈等項價銀一萬九千

九百五十五兩零又購馬克綏姆礮四尊並礮架子彈價銀二萬一千二百七十九兩零

一購克鹿卜十生脫半新式後膛鋼礮四尊並礮架開花彈價銀一萬四千三百九兩零

一購黎意後門兵鎗一千桿並鎗子零件價銀二萬二千七百五十一兩零

一新載生洋行經購克鹿卜七箇半生脫後膛陸路礮用礮門並五馬鞍套隨配零件價銀一千一百七十三兩零

一購地亞士洋行哈乞開司陸路礮架價銀二百二十八兩零

一購新載生洋行哈乞開司鎗子一百二十萬粒價銀二萬一千

兩格林礮子十萬粒價銀二千五十一兩零旱電綫價銀五百二十六兩零

一購匹那米脫炸藥價銀二千九百九十五兩零

一行營製造局添備仿造呔嗜士得鎗子機器價銀九千六百四十九兩零

一水師及旅順魚雷營購買德國刷次考甫廠拆雷定雷各項器具價銀一萬三百三十三兩零

一水師學堂教習洋員希耳順經購教練魚雷需用壓汽機湯鍋氣桶氣櫃等件價銀五千二百九十五兩零又洋員霍克爾經購管輪學生練習手藝機器並配用各項器具價銀七千五百七十六兩零

一武備學堂印書洋匠來款克經購印石印銅器具料物等件價銀一百五十二兩零

一武備學堂購新載生洋行印字機器價銀一千二十一兩零

一武備學堂購置測量機器西洋書籍圖書筆墨紙張並製備傢具等項價銀二千二百八十三兩零

一水師總教習洋員葛雷森代購水師應用海道圖等件價銀一千八百九十九兩零

一總稅務司赫德轉購超場兩快船添配阿摩士莊廠加重鐵錨並備用零件價銀一千二百六十二兩零

一洋員葛果德經購水師機器廠需用各項料物價銀一百三十八兩零

一威遠練船添購學生需用紙筆顏料並盤碗等件價銀一百三十一兩零

一水師購辦各練船學生需用書籍紙筆並水師機器廠需用料物等件價銀八百九十二兩零

一軍械所購備電機價銀七百三十八兩零

一新載生洋行經購旅順水雷營需用直斜測鏡等項價銀五百七十二兩零又購起重架等件價銀二千三百五十四兩零又購

洋號並隨配絨繩等件價銀四百五十九兩零

一旅順魚雷營購備雷艇雷廠修製操習需用大批料物價銀一萬七千二百兩零

一山海關水雷營購買料物電機等項價銀七百十七兩零

一洋教習瑞乃爾經購毛瑟鎗圖說等件價銀七百八兩零

一機器局撥發兩號魚雷艇需用各項料物價銀六百六十二兩

零

一購克鹿卜廠七生脫半新式過山重礮九十六尊並礮架藥彈箱備換礮門零件又十五生脫生鐵開花彈二十一生脫生鐵開

花彈硬鐵炸彈二十四生脫生鐵開花彈先支定價銀三萬三千三十九兩零

一添購克鹿卜九生脫後膛陸路鋼礮備換礮門價銀三百四十七兩零

一水師學堂教習洋員霍克爾經購各學生需用儀器書籍畫具圖紙等項價銀二千九兩零

一購沿海各礮臺需用測遠器先支價銀八百四十九兩零

一新造武備學堂添置傢具水龍及洋紙鉛筆畫圖器具顏料等項價銀三千四百二十五兩零

一總稅務司赫德轉購水師需用操習水衣等件價銀三千二百九十二兩零

一威遠練船購配料件價銀一百九兩零

一洋員葛果德經購水師機器廠需用料件價銀八百十兩零

一北洋水師購辦各練船學生需用洋紙筆並水師機器廠料物

等件價銀三百六十九兩零

一購以導海船需用鐵練輪軸價銀九百五十六兩零

一旅順魚雷營購雷艇小抵力汽缸價銀二百四十七兩零

一旅順工程局購二十五馬力吸水鍋爐並零件價銀一千八百

兩

一購洋皮紙價銀一千九百九十五兩零

一購青鉛二十四萬餘斤並鑄造鉛丸鉛箭及製木箱等項價銀

一萬一千五百三十兩零

一額撥行營製造局仿造呔哨士得鎗子及格林礮子彈經費銀

九萬二千六百三十七兩零

一額撥電報官局電綫歲修及購辦應用零件經費銀七千八百五十五兩零

一額撥旅順口魚雷營添購修製魚雷零星料件經費銀七千七百十九兩零

一大沽船塢造遇順鋼拖輪一隻隨帶小火輪舢板一隻及鐵駁船六隻料價銀七萬三千五百三十四兩零

一旅順口礮臺監工洋員漢納根合攏起重船工料銀九千兩
一光緒十年訂購德國魚雷巨艇一艘運至上海交祥生懋洋廠合攏並添備應用各物工料銀五千一百八十二兩零

一大沽口船塢十一年春季修理六鎮礮船並添置備用各件料價銀五千六百四十九兩零又修理威遠練船並添置備用各件料價銀一萬二千一百八十兩零又修理海鏡輪船並添置備用

各件料價銀一萬一千八百五十七兩零又修理飛霆桿雷兩號
小輪船並添置備用各件料價銀五百三十四兩零十一年秋季
修理六鎮礮船並添置備用各件料價銀八百三十兩零又修理
超勇揚威康濟等三船並添置備用各件料價銀二千七百四十
二兩零又修理飛霆小輪船並添置備用各件料價銀七百九十
兩零

一大沽口船塢代旅順工程局購造接泥船十隻需用鐵件價銀
二千五百兩零又修理快馬小輪船並添換各件價銀一百八十
兩零又修理大沽水雷營廣艇一號舢板四號料價銀九百四十
五兩零

一大沽口船塢承造洋河口外安設水雷需用十四槳舢板二隻
工料銀一千一百九兩零又造大沽海口南北兩岸各臺牆礮洞

添設鐵礮門料價銀四千八百五十七兩零

一大沽口船塢彙報光緒十年分修理大沽海口兩岸各營雷電礮械及電燈等項工料銀七百二十一兩零

一超勇揚威兩快船十一年分赴上海祥生懋洋廠油修艙面船底並機器擋牌及添備應用料件銀一萬六千七十九兩零

一魚雷營專造操習六槳舢板料價銀八百五兩零

一行營製造局代山海關水雷營造起重大駁船工料銀五百三十六兩零

一旅順口魚雷營定製洋帆布煤袋工料銀二百七十五兩零

一軍械所添製圓式裝藥皮桶裝藥人皮箱拉火皮盒並皮帶工料銀二百五十七兩零

一大沽口船塢彙報光緒十一年分修理大沽旅順各營礮械汽

燈等項並起卸礮件料價銀四百三十三兩零

一大沽口船陽十二年春季修理六鎮礮船並添置備用各件料價銀三千六百三十六兩零又修理康濟超勇揚威三船並添置備用各件料價銀一千三百五十四兩零又修理操江輪船並添置備用各件料價銀一千六百七十四兩零又修理海馬快馬兩號小輪船並添置備用各件料價銀五百四十兩零又修理大沽水雷營三號廣生製造小舢板及添置備用各件料價銀二千八百十七兩零又修理一號挖河船料價銀一千一百七十六兩零又修理鐵龍輪船並安設鍋鑪添置備用各件料價銀五百七十九兩零十二年秋季修理六鎮礮船並添置備用各件料價銀二千二百兩零又修理康濟練船添置備用各件及大舢板料價銀四千七百四十一兩零又修理海馬小輪船並添置備用各件料

價銀二百十八兩又修理海機器船並添置備用各件料價銀七千三百二十九兩零又修理大沽水雷營一號廣艇並造舢板添置備用各件料價銀二千一百四十七兩零

一大沽口船塢承修威遠練船大舢板並備用各件料價銀一千九百四十七兩零

一大沽口船塢承造海鏡輪船需用十四槳大舢板並添置備用各件料價銀一千三百十三兩零

一超勇揚威威遠三船光緒十二年赴上海祥生懋洋廠油修船底並添配應用料件銀四千八百八十五兩零

一旅順工程局修理利順小輪船工料銀一千二百五十七兩零又修理艇船工料銀一千六百十兩零

一行營製造局修理大沽水雷營守雷下雷小輪船上料銀二千

三百十五兩零

一軍械所協撥黑龍江兵鎗添製木箱工料銀三十七兩零

一津海關稅務司德理琳代置裝煤麻袋工料銀九十七兩零

一快馬及守雷下雷小輪船冬令守凍包紮船面及搭蓋住棚需用席繩等項工料銀一百五十兩零

一製造頒賞各洋員三四等寶星並佩帶木匣工料銀六百三十六兩零

一旅順工程局道員袁保齡經辦挑挖船路船池船澳引河並修築土壩埽壩鑲砌石壩碼頭石閘等工共找工料銀九萬三千七百七十五兩零

一水師公所暫作武備學堂添建住房過廳廚房機器房又另建教習洋號房廠工料銀六千六百七十八兩零

一津勝陸營駐紮臨榆縣境修築營壘及取土之地佔用民田地租銀三十五兩零

一建造武備學堂購買民地並籽種工本及遷房費銀六千四百八十一兩零

一另建武備學堂大小房屋五百餘間並圍牆等項工料銀五萬三千五十三兩零

一水師學堂由機器局派雇匠工安設管輪學生練習手藝機器並撥發各項物件工料銀八百五十二兩零

一旅順工程局添建砲頭山大礮臺下牆臺礮盤子藥庫兵房圍牆工料銀三千九百四十七兩零又建築收豬礮臺並子藥庫兵房護牆坡牆工料銀一萬九千三十九兩零又修改釐子營礮盤土牆並添建礮房庫屋工料銀四千二百五十四兩零又建築

老虎尾低式土礮臺礮盤礮房子藥庫兵房並濠溝濠牆等工料銀六千八百二十九兩零

一旅順口監工洋員漢納根經建水陸弁兵醫院及教習住房並購備醫治傷病外國藥料器具銀四千一百六十六兩零

一旅順口魚雷營建築收存魚雷艇臺旱塢並圍牆石溝石壩庫屋煤圈碼頭工料銀一萬三千一百二十七兩零

一旅順口水雷營建造講堂料庫住房等項工料銀一萬一千十五兩零

一旅順口護軍營建造收存軍米軍裝房工料銀一千二百五十四兩零

一北塘水雷營建造直斜鏡房工料銀六百六十九兩零

一朝鮮仁川海口修建存煤木柵板房工料銀五十六兩零

一旅順防次由洋員漢納根經設電燈工料銀一千二百二十四兩零

一大沽口船塢建造收皮蚊礮船土塢兩道先支工料銀二千八百九十四兩零

一天津建造博文書院工款銀一萬四千四百七十四兩零

一管輪學堂內添建化鐵打鐵兩廠工料銀四百十五兩零

一旅順口元寶房鹿尾山教場溝饅頭山等處建造水陸軍火庫並廠棚住房圍牆濠溝工料銀三萬二千六百二十一兩零

一修造黃金山礮臺馬路圍牆及子彈巡更等房工料銀二千二百七十七兩零

一旅順口改建護軍營教習洋員瑞乃爾住房工料銀二千一百九十六兩零

一旅順口建造礮臺監工人等辦公住房工料銀二千三百二十八兩零

一旅順口白玉山改造水陸軍械總局並添建礮位子彈引信等庫工料銀九千五百七兩零

一旅順口魚雷營添建魚雷庫機器廠工料銀二千七百四十五兩零

一旅順口礮臺人字牆內添建辦公及存儲軍裝等房工料銀一千三百八十二兩零

一旅順口嶗嶂嘴礮臺換設二十四生特大礮工料銀七百三十五兩零

一軍械所製造黃龍旗工料銀七百六十八兩零

一大沽水雷營製給弁兵勇丁應需各項號衣褲戰靴包巾腰帶

旗幟等件工料銀二千五百三十兩零

一北塘水雷營製給弁兵勇丁應需各項號衣褲戰靴包巾腰帶
旗幟等件工料銀一千四百三兩零

一山海關水雷營製給弁兵勇丁應需各項號衣褲並號帽戰靴
旗幟等件工料銀一千二百兩零

一旅順口水雷營製給弁兵勇丁應需各項號衣褲並號帽戰靴
等件工料銀一千五百六十三兩零

一水師製給各兵輪船舵工水手練勇學生人等各項單夾棉號
衣褲號帽包巾腰帶草笠戰靴等項工料銀一萬二千一百七十

四兩零

一旅順口魚雷營製造黃龍旗及各國旗幟工料銀六十九兩零
又製給新兵應需各項號衣褲並號帽戰靴等項工料銀八百九

十兩零

一水師學堂製給派上練船學生各項號衣褲號帽戰靴等件工料銀六百四十七兩零

一軍械所代製旗順口導海挖泥船工匠雨衣帽工料銀三十五兩零

一武備學堂製給學生各項號衣褲號帽戰靴等項工料銀九百六十一兩零

一大沽防營並各雷艇領操礮位應支礮費銀一千一百二十七兩零

一駐防大沽北岸保定練軍左營領操石頭縫臺牆礮位應支礮費銀一千八百五十四兩

一北塘防營領操礮位應支礮費銀七百三十九兩零

一義勝營駐防北塘煙頭沽臺牆領操礮位應支礮費銀二千十
六兩零

一新城葛沽營領操礮位應支礮費銀二百八十八兩

一正定練軍駐防山海關甯海城鐵門關長龍崗等處臺牆領操
礮位應支礮費銀八千二百四十兩

一旅順口東岸黃金山礮臺領操礮位應支礮費銀二千四十一
兩零

一護軍營駐守旅順口東岸人字牆領操礮位應支礮費銀一千
九百六十四兩零又駐守旅順口東岸牧豬礁礮臺領操礮位應
支礮費銀六百六十六兩又駐守旅順口東岸田雞礮臺領操礮
位應支礮費銀一百四十四兩

一慶字正營駐守旅順口東岸劈嘴礮臺領操礮位應支礮費

銀六百六十兩

一親慶營駐守旅順口西岸饅頭山城頭山蠻子營老虎尾威遠各礮臺領操礮位應支礮費銀二千三百七十六兩

一水師各輪艇及機器魚雷等廠燒用煤斤價銀十七萬二千一百十八兩零

以上各款應歸工部核銷

以上共開除銀二百九十四萬七千七百四十六兩零

實在項下

一應存銀六十二萬五百九十六兩零已接支十三年以後用項無存另行開報

賑撫收支彙報摺

光緒十五年正月二十二日

奏爲查明光緒十二年七月至十四年六月籌辦賑撫收支銀錢米衣照案開單彙報仰祈

聖鑒事竊前因直屬成災辦理賑撫業將收支各款截至光緒十二年六月止於十三年正月開單彙報請免造冊奏奉

硃批著照所請該部知道單併發欽此轉行遵照在案伏查十二

十三兩年均有秋災蒙

恩賞撥米銀並准於溝運各庫酌提正雜各款臣又商請各省勸

捐解濟籌辦冬賑存撫擇要修濬隄河所有辦理情形均經

奏報在案應將收支銀錢米衣自光緒十二年七月起至十四年

六月止核實開報飭據籌賑局司道詳稱上屆原存連此次新收

各款內有已歸順天報銷及直隸專案奏銷外實計收用銀七十

萬四千十一兩五錢一分一毫二絲九忽二微津錢十九萬八千六百八十四串九十六文漕米二十四萬六千五百三十四石五斗二合七勺大米三百七十六石四斗粟米三萬八千三百五十石三斗九合九勺四抄棉衣十二萬五千八百三十一件除支發外應存銀十萬九千七百十三兩八錢三分九釐八毫一絲三忽六微津錢二萬一千七百九十四串三百五十文漕米二萬七千九百七十七石粟米四千三百九十九石九升七合五勺棉衣一萬三千七百十件已歸十四年秋災用款另行開報等情前來臣查此次辦理賑撫仍恪守歷屆定章凡有不急可省之費無不力加裁汰其應賑者先由州縣查明村莊災歉分數由道府等督同擬勘相符再派廉幹員紳確查戶口核實散放不假胥吏之手災輕則口多糧少災重則口少糧多隔水泛舟行泥乘輶孤村荒落無敢

或遣委員薪水川資由司局酌給毫無擾累復於天津及保定省城分設粥廠米廠留養無告窮民並給棉衣藥餌其遠來就食無力歸耕者則給籽種口糧遣回俾安生業至各處隄河工程均揀派道府員紳與賑局司道擇要籌辦招集災黎就地傭趁以工代撫所用之款涓滴歸公毫無浮冒臣疊與司道認真督察茲復詳加稽核委係實用實銷謹彙開清單恭呈

御覽仰懇

天恩俯照歷屆奏准成案免造細冊以昭核實而免繁費理合恭摺具陳伏乞

皇太后

皇上聖鑒訓示謹

奏

駕船回華請獎片

光緒十五年正月二十二日

再前在英國德國商廠訂造致遠靖遠經遠來遠鋼板鐵甲快船
四號業將接帶回華出力人員奏保所有船政衙門派赴兩國駐
廠監造及使館派辦船工出力員弁現准船政大臣出使英國德
國大臣查明咨請保獎前來臣查此項鋼板鐵甲快船爲中國創
辦海軍利器極關重要船政派往員弁遠涉重洋數萬里於船身
機器礮械帆纜施工選料皆能精細研求不使撓雜窳劣並考究
各廠製造理法具有心得洵屬異常奮勉其使館所派之員稽查
督率亦極認真自應分別請獎臣謹查照上屆監造定遠等船並
參酌接船准保成案擬將船政原派之不論雙單月儘先選用從
九品曾宗瀛張啟正林鳴埴均請以縣丞不論雙單月儘先選用
並加六品銜升用都司留閩儘先守備黃戴陳和慶均請以都司

仍留閩儘先補用並賞戴花翎五品軍功升用守備留閩儘先千
總裴國安請以守備仍留閩儘先補用並賞戴花翎使館原派之
知府銜甘肅候補直隸州知州朱宗祥請俟補缺後以知府用刑
部候補主事王詠霓請以直隸州知州不論雙單月儘先選用仰
懇
天恩俯准照擬給獎以示鼓勵除查取履歷咨部外理合會同船
政大臣裴蔭森附片具陳伏乞
聖鑒訓示謹
奏

查明朝鮮妄言摺

光緒十五年二月初八日

奏爲查明朝鮮並無行賄免使各情恭摺仰祈

聖鑒事竊臣欽奉正月二十三日

寄諭前據李鴻章電袁世凱電稱朝鮮國王爲李應浚所愚謂已
行賄二萬餘金禮部允免專使等語當諭令禮部確查復奏茲據
該部奏稱派員面詢該使臣等堅稱不知有行賄免使等事李應
浚來京亦無消息等語此事虛實惟以李應浚來京與否爲緊要
關鍵既未來京無憑根究著李鴻章電飭袁世凱就近詢問該國
王將李應浚所稱各節令其確切指明何人得賄何人允免遣使
有無牽涉四譯館及禮部司員書吏情節俟袁世凱電復後該督
卽行據實具奏等因欽此當卽電飭袁世凱遵照旋據履稱前電
係聞自朝鮮譯員李應相該譯員卽李應浚族兄茲又向其密詢

據云李應浚本無行賄實事更無中國司員等得賄之理明係李應浚欺王囑財袁世凱因與反撥論詰李應相自生疑懼反爲支吾求勿明言否則該譯員必獲重罪袁世凱素稔該國王親暱小人多受愚弄是以該員前電有李應浚等以行賄爲名誤君蠹財之語原謂其借端欺騙並非實有行賄也惟此事本由李應相密告若不指明李應相而憑空詢問該政府勢必多方掩飾如指明李應相則羣小必深恨使李應相罪至不測而仍不肯吐實此後有關中國之事無人敢言我既無所見聞彼益肆無忌憚此中關係頗大惟有由該員作爲訪問告知該國再查李應浚已於正月初十日啟行晉京等情前來臣查李應浚係著名奸詐小人朝鮮國王素所親信屢次派令齎奏赴京袁世凱駐紮朝鮮原爲防察交涉事件是以有聞必報以便隨時預籌前據電稱李應浚行賄

免使臣料知決無其事惟因關係中國撫馭藩聲名一面轉電總理各國事務衙門一面仍飭袁世凱認真察訪今據撥稱係李應浚欺王騙財本無行賄實事自與四譯館司員書吏均不相涉李應浚影射營私本應根究或於該員抵京時由禮部密飭司員作爲風聞嚴加申斥不准回國造謠生事庶稍喪膽斂跡至袁世凱所稱各節確係實情

朝廷撫馭藩素尙寬大該國君臣正懷疑貳尤宜善爲羈縻似不必因此深求轉生枝節臣已飭袁世凱知照該國政府轉告國王以訪問朝鮮有人指中國員吏爲山欺王騙財實屬謬妄應卽禁辦等因如此則不待明言詰責而彼知真情既露益當感戴天朝涵宏之德自應懾服無詞矣所有查明擬辦緣由理合恭摺據實由驛覆陳伏乞

皇上聖鑒訓示敕下總理衙門禮部查照謹
奏

奏稿卷六十四

五

李文忠公文稿卷六十四